



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno DLXXVII. ad annum DXC.

Parisiis, 1644

Epistola IX. Gregorii Papae I. Ad Petrum Subdiaconum. Vt discrepatio
possessionis quadragenariae fine debito terminetur.

urn:nbn:de:hbz:466:1-15221

EPISTOLA IX.

GREGORII PAPÆ I.

AD PETRVM SVBDIACONVM.

Vt discrepatio possessionis quadragenariæ fine debito terminetur.

Gregorius Petro subdiacono.

6. q. 4. c. 2.
luc. p. 3. c.
146. pur.
lib. 2. c. 66.

GREGORIVS seruus Dei, presbyter & abbas monasterii sancti Theodori in Sicilia prouincia, territorio Panormitano constituti, insinuauit nobis quod homines fundi Saloniaci iuris sanctæ ecclesiæ Romanæ, fines fundi Gerdimiæ, collimitantis eidem præfato fundo ecclesiæ sanctæ Romanæ, quos quieto iure per innumeros annos possederunt, velint peruadere. Et ideo volumus, accedente te ad Panormitanam ciuitatem, quæstionem ipsam tali ratione discutere, dominio rei apud possessorem, sicuti hætenus possessa est, videlicet permanente, vt si monasterium præfatum sancti Theodori fines, de quibus causatio mota est, inconcussos quadraginta annis possedisse reppereris, nullam deinceps, etiam si quid sanctæ Romanæ ecclesiæ competere potuit, patiaris sustinere calumniam, sed quietem eorum inconcussam modis omnibus procurare. Sin vero actores sanctæ ecclesiæ non eos possedisse quadraginta annis inconcussos iure monstraerint, sed aliquam intra hæc tempora motam fuisse aliquando quæstionem eorundem finium, electis arbitris, tranquille & legaliter sopiatur. Nos enim non solum nunquam mota suscitari volumus, verum etiam quæ praua foris admouentur, sopire modis omnibus festinamus. Ita ergo experientia tua cuncta faciat effectibus mancipari, ne qua posthac huius rei ad nos quæstio reuertatur. Testamentum autem Bacandæ quondam xenodochi in ea qua conditum est volumus firmitate persistere.